



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

მოსეს სამართალი

მოსეს სამართალი, მოსეს სჯული, ვახტანგ VI-ის სამართლის წიგნთა კრებულის (1705–08) პირველი წიგნი, ქართული სამართლის უაღრესად მნიშვნელოვანი წყარო. მეფე ვახტანგ VI-ის მიერ შექმნილ სწავლულ კაცთა კომისიას **მ. ს.** თარგმნისას იმდენად გადაუმუშავებია, რომ ის შესაბამისი ძეგლის ქართულ ვერსიადაა მიჩნეული. სწავლულ კაცთა კომისიას მეორე სჯულიდან (ძვ. აღთქმის მეხუთე წიგნი) ამოუკრებია საქართველოსთვის გამოსადეგი მუხლები და ქართ. სათაურები დაურქმევია. შესაბამისად, ებრაული კანონები ეროვნ. სამართლის ერთ-ერთ უძველეს წყაროს წარმოადგენს.

მ. ს.-ის ქართულ ვერსიაში მრავალი მუხლი ეძღვნება რელიგ. რიტუალების აღსრულებას, ასევე განხილულია მკვლევლობის საკითხები, გამიჯნულია სასჯელები განზრახ და გაუფრთხილებლობით ჩადენილი მკვლევლობისთვის.

მ. ს. რელიგიურ და ეთიკურ ნორმათა ერთობლიობაა, რ-იც არეგულირებს რელიგიურ, სისხლის, სამოქალაქო, საოჯახო და საპროცესო ურთიერთობებს.

ლიტ.: მ ე ტ რ ე ვ ე ლ ი ვ., საქართველოს სახელმწიფოსა და სამართლის ისტორია, თბ., 2003, ქართული სამართლის ძეგლები, ი. დოლიძის გამოც., ტ.1, თბ., 1963.

ი. უჭმაჭურიძე
